

O le Faamagaloina o i Latou Ua Agasala

TUSI LESONA SEMINARE O LE FEAGAIGA FOU

Manatu faapea, e pei o tagata Korinito, ua manaomia e tagata o lau uarota ona faateleina lo latou alofa ma le faamagalo atu ia i latou o e ua agasala. Ona o lenei mea, ua valaaulia ai oe e lou epikopo e faasoa atu se manatu puupuu e uiga i le faamagalo atu i le amataga o lau vasega po o le fonotaga a le korama. Faaoga ni nai minute ma fatu se oototoga o mea e mafai ona e tautalagia.

Ia aofia ai mea nei:

1. Ia le itiiti ifo ma le tasi se fuaiupu po o se fasifuitau mai le 2 Korinito 2:7–11.
2. Se isi mau po o se saunoaga a se taitai o le Ekalesia. (E mafai ona e faaogaina le saunoaga a Elder Duncan o loo i lalo po o se tasi o mau o loo ia taua.)
3. O ni ou lava manatu ma le molimau e uiga i le tuuina atu o le alofa ma le faamagalo atu i isi ma le auala e mafai ai ona fesoasoani lena mea ia i tatou e latalata atili atu ai i le Faaola.

O Aoaoga e uiga i le Faamagalo Atu

Na saunoa mai Elder Kevin R. Duncan o le Fitugafulu:



Ou te talitonu o le toatele o i tatou e mananao e faamagalo atu, ae e faigata tele ona tatou faia. Pe a tatou aafia i se faiga e le tonu, atonu e vave ona tatou faapea ane, “Na faia e lena tagata se mea sese. E tatau ia i latou se faasalaga. O fea o i ai le faamasinogatonu?” Tatou te mafaufau ma le sese faapea *afai* tatou te faamagalo atu, atonu o le a le faataunuaina le faamasinogatonu ma o le a ‘alofia ai ni faasalaga.

E le o le tulaga lea. O le a fuafua e le Atua se faasalaga e talafeagai, aua e le mafai e le alofa mutimutivale ona faoa le faamasinogatonu (tagai i le Alema 42:25). Sa faamautinoa mai ma le alofa e le Atua ia te oe ma a’u: “Ia tuu toatasi mai ia te a’u le faamasinoga, aua e a a’u, ma o le a Ou toe totogi atu. [Ae ia i ai] ia te outou le filemu” [Mataupu Faavae ma Feagaiga 82:23]. (Kevin R. Duncan, “O Le U’u Faamalolo o le Faamagaloga,” *Ensign* po o le *Liahona*, Me 2016, 33–34)

- Mataio 5:43–44
- Efeso 4:32